

Конспект занятия "Сезяка патяненъ инжекс"

Занятиянь конспектэсь омбоце вишка кужонть туртов

«Сезяка патяненъ инжекс»

Вешематне: содавтомс эйкакштнэнь фольклоронь вишка форматнень марто, седикельксэнь кедьенкстнэнь марто.

Задачатне: домкалгавтомс эйкакштнэнь содамочист потешкатнень марто, лездамс мельсэ кирдемс ды ероковсто сынст евтнеме;

-кемекстамс монологической кортамонть;

-кемекстамс вишка моториканть;

-сюпалгавтомс эйкакштнень фольклоронтень тонавтнемань мелест;

-тонавтомс эйкакштнень пертьпельксэнтъ вечкеме, вишка тевень топавтомо.

Кедьенкстнэ: залонь мазылгавтомась» Вирень кужине», «нармунень морамо» звукозаписесь, сезякань костюмось.

Вед: Эйкакшт, шумбрактнетяно инжетнень марто.

Эйк: Шумбратадо!

Вед: Эйкакшт, эрга невтьсынек , кода минь эште маштано шумбрактнеме.

Сурнэтнень туртов гимнастика:

Шумбрачи, маней чипайне,

Шумбрачи, ванькс менельне,

Шумбрачи, лембе вармине,

Шумбрачи, вишка тумине,

Эрятано мазый енкссо,

Весень марто кенярдтано.

Вед: Ялгинеть, валске марто кужов самсто, вастыя Сезяка – патянь, инжекс тердимизь. Мольтяно?

Эйк: Мольтяно!

Вед: Штобу миненек понгомс сонензэ, эряви ловомс дивань теиця ловомканок.

Эйк: Вейке, кавто, колмо, ниле

Мазый кужос теевтяно.

(Гайгить нармунень вайгельть)

Вед: Варштадо, минь теевинек евксонь кондямо, мазый кужос. Кода тесэ вадря. Лекстядо, кодамо ванькс коштось. Эйкакшт, варштадо тесэ кинь-бути кудыне, кинь сон а евтатадо?

Эйк: Сезяка – патянь!

Вед: Виде, соватано.

Сезяка: Шумбратадо, эйкакшт. Мон Сезяка-ашо бока. Те Монь кудом.

Ютадо, озадо. Мон пек вечкан инжесть, свал мельспаросо вастан весень. Вана нейгак умок уш учан эйсэнк. Эрьга, мейсэ кецявтсамизь течи?

Вед: Сезяка патяй, минь тонь туртов анокстынек потешка.

Эйк: Ах, сезяка, сезяка,

Сезяка – ашо бока.

Мезень кисэ чикордат,

Мезень кисэ мелявтат?

Мезеть емась?

Мезеть прась?

Пештинень прась -

Весе емась.

Сезяка: Паро, эйкакшт, а тынь мариде, мариде истямо куля, истямо куля! Тунда малав весе нармунтне нарвить левкст!

Эйк: Да!

Вед:? Эйкакшт, а тынь содатадо мезде нармунтне андыть левксэст

Эйк: Сукскеде, ужинеде!

Сезяка:А мон эсень левксэнь андан кашадо. Монь кашанть лемезэ «Ояксчи», секс што сон анокстави кавто сортонь видьмексстэ:суронь ды ликшань.Вана ансяк валске марто апаро тев лиссь- ямксон човорявсть. Ялгинеть а лездатадо тень сынст явомс?

Эйк:Лездатано! Лездатано!

(Эйкакштнэ столь экшсэ явныть ямкстнэнь)

Сезяка:Сюкпря, превейнеть.А содатадо , мейсэ мон каша пидсян?

Эйк:Чакшкесэ.

Сезяка: Эйкакшт, лездатадо монень кашань пидеме?

Эйк: Да!

Вед: Ойседе, стул лангс ды ушодтано кашань пидеме.

Потешка

Пийтя, пийтя кашине,

Пийтя седе курукке,

Пийтя ламбаминестэ.

Сехте тантей ловсосто,

Чова суронь ямксестэ.

Кие те кашанть сэвсазо,

Касыть весе пейнензэ.

Сезяка: Зярс кашанок пии, эрьга вейсэ налксетяно.

(Ютавтови «Гулинесэ» налксемась).

Вед: Сюкпря тетя, Сезяка –патяй, сюкпря мельспутовикс инжеть. Миненек эряви мекев эсенек кужов.

Вейке, кавто, колмо ,ниле,

Эйдень кужов мекев теевть.

Инжень кедьсэ вадря, а кудосо седе паро.

Вастомазонок!